

OPIS POSLOVA ZA EKSPERTA

za izradu **Strategije zajedničkog zastupanja Saveza općina i gradova FBiH i Udruženja poslodavaca komunalne privrede FBiH** sa ciljem definisanja prioriteta i zajedničkih aktivnosti prema Vladi FBiH i drugim relevantnim entitetskim i državnim tijelima, međunarodnim finansijskim institucijama i donatorima usmjerene na podizanje efikasnosti poslovanja vodovodnih društava i unapređenja kvaliteta pružanja usluga korisnicima, kao i jačanju ukupnih kapaciteta vodovodnih društava i jedinica lokalne samouprave u oblasti vodnih usluga.

I. Pozadina

Projekat *"Regionalna mreža za razvoj kapaciteta za usluge vodosnabdijevanja i odvodnje otpadnih voda na Zapadnom Balkanu"* (RCDN) ima za cilj povećanje efektivnosti i efikasnosti vodovodnih preduzeća na Zapadnom Balkanu, doprinoseći boljem pružanju usluga s ciljem povećanja broja stanovništva koje ima pristup uslugama pitke vode i kanalizacije te da bi se zadovoljila pravna stečevina EU (Acquis Communautaire) za okoliš. Projekat zajednički finansiraju Švajcarski državni sekretarijat za ekonomske poslove (SECO) i Savezno ministarstvo za ekonomsku saradnju i razvoj Njemačke (BMZ), a realizira se kroz GIZ projekat "Otvoreni regionalni fond za jugoistočnu Evropu - modernizacija općinskih usluga" (ORF MMS).

Tri ključna seta aktivnosti će doprinijeti postizanju rezultata projekta RCDN:

- **Rezultat 1:** Udruženja vodovodnih preduzeća i udruženja jedinica lokalne samouprave na Zapadnom Balkanu, u saradnji sa NALAS-om i IAWD-om, mogu da dostave kvalitetne mjere za vodovodna preduzeća i jedinice lokalne samouprave u okviru RCDN-a na finansijski održiv način.
- **Rezultat 2:** Rukovodstvo i tehničko osoblje vodovodnih preduzeća i javni zvaničnici jedinica lokalne samouprave imaju pristup i koriste proizvode RCDN-a visokog kvaliteta, orijentisane na potražnju i unaprijeđenje.
- **Rezultat 3:** Državne vlasti, međunarodne finansijske institucije i donatori promovišu upotrebu, kao i doprinose poboljšanju ponude za razvoj kapaciteta RCDN-a.

RCDN nadograđuje i integriše postojeće aktivnosti razvoja kapaciteta, na regionalnom i državnom nivou, i olakšava širenje i daljnje repliciranje u regionu. Jačanje kapaciteta udruženja za kolaborativnu isporuku razvoja kapaciteta je suština metodološkog pristupa. Projekat će pružiti neophodnu pomoć za uvođenje i unapređenje funkcionalnih sposobnosti, procedura i instrumenata koji će omogućiti partnerskim udruženjima RCDN-a da na efikasan način isporučuju proizvode za razvoj kapaciteta na bazi naknade vodovodnim preduzećima i jedinicama lokalne samouprave.

U tom cilju, projekat će omogućiti za 16 udruženja jedinica lokalne samouprave i vodovodnih preduzeća iz Albanije, Bosne i Hercegovine, Crne Gore, Kosova, Sjeverne Makedonije i Srbije, kao i za njihove regionalne mreže NALAS i IAWD, da olakšaju i koordiniraju inicijative za razvoj kapaciteta u regionu i podrže sprovođenje mjera za razvoj kapaciteta za vodovodna preduzeća i jedinice lokalne samouprave u dotičnim zemljama. Također, uključit će i druge ključne aktere, kao što su kreditne institucije (međunarodne finansijske institucije - MFI, itd.) aktivne u sektoru infrastrukture koje su zainteresovane za jačanje kapaciteta za razvoj i osiguranje njihovog poslovanja u sektoru

vodosnabdijevanja i odvodnje ili donatore koji mogu imati koristi od regionalne platforme za identifikaciju potreba za razvoj kapaciteta i podsticati dijalog sa zainteresovanim stranama i izradu njihovih politika.

Savez općina i gradova Federacije BiH u okviru svojih aktivnosti, između ostaloga ima za zadatak da u saradnji sa Udruženjem poslodavaca komunalne privrede FBiH izradi Strategiju zajedničkog zastupanja sa ciljem unaprijeđenja rada lokalnih vlasti i komunalnih preduzeća u oblasti vodosnabdijevanja, odvodnje i prečišćavanja otpadnih voda.

II. Cilj poziva

Cilj poziva je da se odabere ekspert koji će aktivno raditi na razvoju Strategije zastupanja Saveza općina i gradova FBiH i Udruženja poslodavaca komunalne privrede Federacije BiH/ Odbor za vode. Cilj ove aktivnosti je definisanja zajedničkih aktivnosti lobiranja i zastupanja sa konačnim ciljem poboljšanje upravljanja i efikasnosti javnih komunalnih preduzeća iz oblasti vodosnabdijevanja, odvodnje i upravljanja otpadnim vodama u Federaciji Bosne i Hercegovine.

III. Uvod

Savez općina i gradova Federacije Bosne i Hercegovine

Savez općina i gradova Federacije Bosne i Hercegovine (u daljem tekstu: Savez) je samostalna organizacija dobrovoljno udruženih općina i gradova u Federaciji Bosne i Hercegovine, osnovana u cilju razvoja lokalne samouprave i unapređenja i zaštite njihovih zajedničkih interesa.

Misija

Savez kao samostalan i legitiman predstavnik jedinica lokalne samouprave zastupa i štiti zajedničke interese članica, osigurava usluge koje će unaprijediti njihove kapacitete, kao i društveni i ekonomski razvoj lokalnih zajednica, a sve u skladu sa principima Evropske povelje o lokalnoj samoupravi.

Vizija

Jaka, moderna i razvijena lokalna samouprava u Federaciji Bosne i Hercegovine i BiH, sposobna da ispunjava svoje obaveze i primjenjuje evropske vrijednosti.

Glavne aktivnosti

- Institucionalno lobiranje i zastupanje zajedničkih interesa svojih članica na svim nivoima vlasti;
- Razvoj novih i jačanje postojećih usluga za članice/jedinice lokalne samouprave
- Unapređenje legislative koja regulira rad jedinica lokalne samo
- uprave;
- Pružanje usluga pravnog i finansijskog savjetovaništa za članice;
- Obuka izabranih zvaničnika i uposlenika u organima jedinica lokalne samouprave;
- Provedba projekata;
- Uspostavljanje i održavanje regionalne i međunarodne saradnje putem nacionalnih udruženja lokalnih vlasti, kao i njihovih krovničkih udruženja;
- Razvoj platforme za razmjenu znanja i dobrih praksi.

Udruženje poslodavaca komunalne privrede FBiH

Na osnivačkoj Skupštini u oktobru 1999. godine Udruženju/Udrugi poslodavaca komunalne privrede u Federaciji BiH su pristupile 32 članice sa oko 3.000 zaposlenih. Danas UPKP FBiH broji 74 članice, sa preko 8.000 zaposlenih iz svih deset kantona FBiH, koji imaju svoje predstavnike u Upravnom i Nadzornom odboru koje bira Skupština UPKP FBiH. Od osnivanja UPKP FBiH do danas, prošlo je 23. godine uspješnog rada i djelovanja.

UPKP FBiH raspolaže sa kadrovima višegodišnjeg iskustva u struci, koji mogu dati svoj doprinos na predlaganju rješenja nagomilanih problema u komunalnim preduzećima. Pored aktivnosti članova Upravnog i Nadzornog odbora, veliki doprinos u radu daju Stručni timovi, Radne grupe i Komisije, kojima je stalna aktivnost praćenje zakonske regulative kao osnovice stvaranja boljih uslova i ambijenta za poslovanje javnih komunalnih preduzeća u Federaciji Bosne i Hercegovine.

Komunalne djelatnosti iz oblasti vodosnabdijevanja i odvodnje i prečišćavanja otpadnih voda su djelatnosti od općeg interesa jer se njima zadovoljavaju osnovne potrebe stanovništva, odnosno korisnika tih usluga. Ove usluge su toliko bitne da je bez njih život savremenog čovjeka praktično nezamisliv.

Ipak, skoro 25% stanovništva u BiH nema pristup sigurnoj vodi, a više od 60% stanovništva nije priključeno na javni kanalizacioni sistem. Gubici vode u vodovodnim sistemima često iznose više od 50% što dovodi do prekomjerne eksploatacije izvora vode i visokih troškova distribucije. Vodovodni sistemi su stari i neredovno se održavaju. Trenutno, mnoga javna vodovodna/komunalna preduzeća (JVP/JKP) u BiH nisu finansijski samoodrživa što dovodi u pitanje održivo vodosnabdijevanje u budućnosti.

Prema sadašnjem zakonodavnom i institucionalnom okviru sektora vodnih usluga u BiH, JLS su osnivači i vlasnici (većinskog broja) JVP/JKP u BiH koji su pružatelji usluga. UPKP FBiH i SOGFBiH imaju zajednički cilj za građane Federaciji BiH, a to je obezbjeđenje efikasnog funkcionisanja svih javnih komunalnih preduzeća, pa tako i JKP u oblasti vodosnabdijevanja i prečišćavanja i odvodnje otpadnih voda, u interesu stvaranja zadovoljstva građana radom i uslugama JKP u FBiH i veliki značaj za očuvanje zdravlja građana i održavanje zdrave životne sredine.

IV. Specifični ciljevi zadatka su:

Izrada Strategije zajedničkog zastupanja SOGFBiH i UPKP sa ciljem definisanja prioriteta i zajedničkih aktivnosti prema Vladi FBiH i drugim relevantnim entitetskim i državnim tijelima, međunarodnim finansijskim institucijama i donatorima usmjerene na podizanje efikasnosti poslovanja vodovodnih društava i unapređenja kvaliteta pružanja usluga korisnicima, kao i jačanju ukupnih kapaciteta vodovodnih društava i jedinica lokalne samouprave u oblasti vodnih usluga.

Obaveza trenera je da u procesu izrade konsultuje RCDN Quality Standards for Advocacy strategy development method and workplan i da dokument izradi u skladu sa standardiziranim formatima.

V. Rezultati i vremenski okvir

Kada?	Šta?	Ko?
-------	------	-----

29/ avgust / 2022	Potpisivanje ugovora sa Savezom općina i gradova Federacije BiH / inicijalni sastanak	Savez općina i gradova Federacije BiH, ekspert
avgust / 2022 (2 dana)	Interna metoda istraživanja, proučavanje relevantnih dokumenata (uključujući relevantne SOGFBiH dokumente i informacije, kako i promotivne kanale i aktivnosti) i izrada nacrtu dokumenta.	Ekspert
septembar / 2022 (1 dana)	2 konsultativna sastanka sa predstavnicima Udruženja poslodavaca komunalne privrede/ Odbor za vode	Ekspert + projektni menadžer
7 / septembar 2022 (2 dana)	Finaliziran prijedlog Strategije zajedničkog zastupanja SOGFBiH i UPKP	Ekspert
15 /septembar / 2020 (1/2 dana) (datum krajnjeg roka)	Pripremiti sveobuhvatan izvještaj i podnijeti Savezu općina i gradova Federacije BiH	Ekspert

VI. Radni/ekspertski dani

Za cijeli zadatak dogovoreni su sljedeći maksimalni dani:

	Konsultacije	Istraživanje, savjetovanje, izrada dokumenta	Ukupno radni dani
Ekspert	1,5	4	5,5

Od glavnog eksperta se očekuje da obezbijedi detaljan plan rada za svaki skup aktivnosti.

VII. Profil eksperta

Iskustvo u radu (7 godina za svaku od navedenih oblasti), u vezi sa:

- pravnim i institucionalnim okvirom u sektoru vodosnabdijevanja, odvodnje i prečišćavanja otpadnih voda na lokalnom nivou,
- pravnim i institucionalnim okvirom Evropske unije u sektoru vodosnabdijevanja, odvodnje i prečišćavanja otpadnih voda,
- pripremom i implementacijom infrastrukturnih investicionih projekata međunarodnih finansijskih institucija (IFIs) ili raznih donatora (npr. EU programi i mehanizmi finansiranja),
- institucionalnim jačanjem javnih komunalnih preduzeća iz sektora vodosnabdijevanja, odvodnje i prečišćavanja otpadnih voda,
- operativnom efikasnošću i finansijskom održivosti komunalnih preduzeća.

Angažovani ekspert je dužan da se upozna sa RCDN Quality Standards for Advocacy strategy development method and workplan i da dokument izradi u skladu sa standardiziranim formatima.

Jezičke vještine: Tečno znanje engleskog jezika.

IT vještine: MS Office (Word, Excel, PowerPoint).

Ekspert treba da ima univerzitetsku diplomu u oblasti relevantnoj za unapređenje sektora vodosnabdjevanja i odvodnje otpadnih voda u jedinicama lokalne samouprave i javnim komunalnim preduzećima (npr. društvene nauke, javna uprava, poslovna administracija, inženjering i upravljanje u oblasti vodosnabdjevanja i odvodnje).

Ostalo: Blagovremenost, fleksibilnost, sposobnost rada u kratkim rokovima, spremnost za putovanje.

VIII. Prijava

Prijava treba biti dostavljena na jednom od zvaničnih jezika u BiH, **najkasnije do 19. avgusta 2022. godine**, latiničnim pismom putem e-maila, na savez@sogfbih.ba i treba da sadrži sljedeće dijelove:

- Biografiju eksperta (sa naznakom EU - Vodne usluge)
- Predloženu cijenu eksperta po danu. Finansijska ponuda sadrži ukupan budžet za izvršenje zadatka, uključujući troškove putovanja. Budžet treba biti detaljno predstavljen za sve aktivnosti. Cijene treba navesti u KM (bruto iznos).

IX. Kriterijumi evaluacije i bodovanje

Prijedlozi će se ocjenjivati na osnovu sljedećih kriterijuma:

- 70% Profil eksperata: Stručnost i iskustvo eksperata za ispunjavanje zadataka u okviru ovog opisa posla; i
- 30% finansijske ponude.

X. Referentna osoba

Referentna osoba za ovaj zadatak je RCDN kontakt osoba u Savezu općina i gradova Federacije BiH, Edin Demirović.

Adresa e-pošte: dino@sogfbih.ba

XI. Izmjena uslova

Savez općina i gradova Federacije BiH zadržava pravo da izmjeni uslove Opisa poslova u bilo kojem trenutku po sopstvenom nahođenju.

XII. Prihvatanje i odbijanje prijedloga

Savez općina i gradova Federacije BiH ne mora nužno prihvatiti prijedlog najniže cijene ili bilo koji prijedlog. Po svom nahođenju, Savez općina i gradova Federacije BiH zadržava pravo da odbije bilo koji ili sve pristigle prijedloge i da prihvati svaki prijedlog koji smatra povoljnim, bez obzira da li je to prijedlog s najnižom cijenom ili ne. Savez općina i gradova Federacije BiH nema obavezu da dodjeli ugovor i zadržava pravo da u bilo kom trenutku obustavi proces podnošenja prijedloga i da se povuče iz razgovora sa svim ili bilo kojim od eksperata koji su odgovorili. Savez općina i gradova Federacije BiH zadržava pravo da prihvati predloženu ponudu u cjelini ili djelimično, da odbije bilo koju ili sve ponude, da se odrekne svih manjih neformalnosti, nepravilnosti ili tehničkih detalja i da prihvati ponudu koja se smatra najpovoljnijom za Savez općina i gradova Federacije BiH i RCDN.

XIII. Vlasništvo

Svi materijali, dokumenti i informacije pripremljeni, razvijeni ili prilagođeni od strane eksperata ostaju vlasništvo Saveza općina i gradova Federacije BiH. Eksperti se slažu da nijedan dio materijala, dokumenata i informacija ne može se reprodukovati ili distribuirati u bilo kojem obliku ili bilo kojim sredstvima ili pohraniti u bazu podataka ili sistem za pronalaženje, za bilo koje druge svrhe i ciljeve od onih koji se odnose na ovaj zadatak, bez prethodnog odobrenja Saveza općina i gradova Federacije BiH.

XIV. Izveštavanje

Izveštaj treba da se podnese najkasnije 7 radnih dana nakon usvanja preporuke od strane tijela Saveza, od strane glavnog eksperta.

XV. Uslovi i plaćanje

Ekspert će biti angažovan na osnovu ugovora, potpisan od strane Saveza općina i gradova Federacije BiH i biće plaćen po podnošenju i odobrenju gore navedenih rezultata. Ekspert će dostaviti vremenski raspored (timesheets) slijedeći RCDN standardizovani obrazac u Aneksu 2 Opisa posla) zajedno sa isporukama kako bi se sprovelo plaćanje.

Isplata će biti zasnovana na stvarnom broju radnih dana (prema dostavljenom vremenskom rasporedu) koji se ulaže za izradu svakog proizvoda, ali ne prelazi odobreni broj dana za svakog od eksperta.

XVI. Evaluacija rada

Izvršavanje zadataka će biti ocjenjeno od strane kontakt osobe iz Saveza općina i gradova Federacije BiH (ili drugih imenovanih osoba) iz Saveza općina i gradova Federacije BiH.

Lista dokumenata koja će biti dostupna odabranom ekspertu:

Aneks 1: Format izveštaja

Aneks 2: Vremenski raspored za eksperte

Aneks 3: Advocacy strategy development method and workplan

[1] <http://europass.cedefop.europa.eu/documents/curriculum-vitae/templates-instructions>